

የሃኒሳ ፃፊዳ ኮይር ኪታ ጋሳ ቆፋ

ሃዋሪያ የሃኒሳ ፃፊዳ ኮይር ኪታይ፣ ናምዑ አይፌ ቆፋታ ኦይኬስ። ሄሲካ ናባቤይሳቲ ያሳራኔ ኢያ ናዓ ዩሱስ ኪሪስቶሳራ ኢሲፌቴሉ ዳና ማላ ሚንጤላናሳኔ ሄ ኢሲፌቴላ ቆይሲያ ዋርዶ ቲሚርቲያፌ ሃካና ማላ ኤንታ ኣኬኪሳናሳ። ሄ ዋዴ ዴንዲዳ ዋርዶ ቲሚርቲይ፣ «ያሳይ ቤንቶና ኣያና ኣላሜ ሜዲስ። ሃ ቤንቲያ ኣላሚያኔ ኦ ኣሳቴላ ያሳይ ሜዲቦና ገሾ ኢታ። ቃሲ ሃ ቤንቲያ ኣላሜይኔ ኦ ኣሳቴላይ ኦ ኣያና ቆሃናዉኔ ቱኒሳናው ዳንዳዔና» ያገዲ ታማርሶሶና። ሄሳ ጉሳይ፣ ኮይር፣ ዩሱሲ ኣሴ ገዲዲ ዪቤና። ናምዓን፣ ኢሲ ኣሲ ባ ኣያና ቱኒሶና ዴዒሼ ባ ኣሾን ናጋራ ኦላናው ዳንዳዔስ ያጉሱ።

ሄሳ ገሾ፣ የሃኒሳ ባ ኪታን፣ ዩሱሲ ኣሴ ገዲዲ ዪዳይሳ ካዲያ ኦኒካ ያሳ ናዓ ገዴና (4:2-3)። ቃሲ ያሳፌ ዩሌቲዳ ኦኒካ ኡባ ዋዴ ናጋራን ዴዒና (3:6) ያገዲ ፃፊስ።

ሄ ዋርዶ ኣስታማሬቲ፣ «ኣቶቴሉ ጉሳይ፣ ሃ ሳዓ ዲሳስ ኡንዔቴላፌ ኬዪዲ ዩዳ ገዲዲ ዴያ» ያሳሶና። ሄሳ ቦላ ጉጂዲ፣ «ኢታኔ ሎ? ሻኪዲ ኦይኬሉ ገዲን፣ ቃሲ ሃራ ኣሲ ሲቆ ገዲን ኣቶቴላራ ኣይቢ ጋሄቴሉካ ባዋ» ያሳሶና።

ፃፊይ ሄ ቲሚርቲያ ኢዲዲ፣ «ዩሱስ ኪሪስቶሲ ፖሎ ኣሴ። ዩሱሳ ኣማኔይሳቲኔ ያሳ ሲቆይሳቲ ኡባይ ባንታ ገዶን ኢሶይ ኢሱዋራ ሲቆታናው ቤሴስ» ያገዲ ኦዲስ።

1 የሃኒሳ ኪታ ኣይፌ ቆፋታ

- ጌሎ ቆፋ 1:1-4
- ፖዖኔ ቆማ 1:5-2:29
- ያሳ ናይታኔ ፃላሄ ናይታ 3:1-24
- ቱማኔ ዋርዶ 4:1-6
- ሲቆ ኦሶ 4:7-21
- ያኒያ ኣማኖ 5:1-21

ዴያ ኢሚያ ቃላ
1 ኩኒ ኮይርፔ ዶሚዲ ዴዲያ፣ ኦ ሃይላን ሲዒዳ፣ ኦ ያሊዳ፣ ኣይፊያን ቤዒዳ፣ ኦ ኩሺያን ቦቺዳ ዴያ ቃላባ ሂንቲው ፃፎስ።

2 ሄ ዳያይ ቆንጨን፣ ኑኒ ኢያ ቤዒዲ፣ ኢያባ ማርካቶስ። አዋ ማታን ዳዒያ ኑስ ቆንጨዳ፣ ማሪና ዳዑባባ ሂንቲው አዋጀሰ።
 3 ኑራ ሂንቲው ኢሲፊቴላ ዳና ማላ ኑኒ ቤዒዲይሳኔ ሲዒዲይሳ ሂንቲው ኦዶሰ። ሂንቲው ኑራ ኢሲፊቴላ ዳዒያ ጊሾ አዋራኔ ኢያ ናዓ ዩሱስ ኪሪሰቶሳራ ኢሲፊቴላ ዳዒስ። 4 ኑ ኡፋይሳይ ፖሎ ጊዳና ማላ ሄሳ ሂንቲው ፃሮሰ።

ፆሳይ ፖፆ

5 ኑኒ ዳፆ ጊዲዳ ኢያፔ ሲዒዲ፣ ሂንቲው ኦዲያ ከታይ ሃይሳ፣ «ፆሳይ ፖፆ፤ ኢያን ቋሚ ባዋ» ያጌይሳ። 6 ኑስ ኢያራ ኢሲፊቴላ ዳዒስ ያጊሼ ቋማን ዳዒኮ፣ ኑ ኦዲኒኔ ኑ ኦሱዋን ዋርዶቶሰ። 7 ሺን ፖፆን ኢ ዳዒይሳዳ፣ ኑካ ፖፆን ዳዒኮ፣ ኑስ ዋሊ ጊደን ኢሲፊቴላ ዳዒስ። ኢያ ናዓ፣ ዩሱሳ ሱሳይ ናጋራ ኡባፌ ኑና ጌሼሰ።

8 ኑኒ፣ ኑናን ናጋሪ ባዋ ጊኮ ኑ ኑና ጨዋስ፤ ኑናን ቱሚ ባዋ።
 9 ሺን ፆሳሰ ኑ ናጋራ ፓዲኮ፣ ኢ ኑ ናጋራ አቶ ጋናዉኔ ኑ ቆሆ ኦሶ ኡባፌ ኑና ጌሻናው፣ አማኔቲዳይሳኔ ቱማ። 10 ኑኒ ናጋራ ኦሊቡኮ ጊኮ ፆሳ ዋርዳንቸ ኬሶስ፤ ኢያ ቃላይካ ኑናን ዳና።

2

ኪሪሰቶሲ ኑስ ጋናቴይሳ

1 ታ ናይቶ፣ ናጋራ ሂንቲ ኦሶና ማላ ታኒ ሃይሳ ሂንቲው ፆፋይሰ። ሺን ኦኒካ ናጋራ ኦሊኮ አዋ ማታን ኑስ ጋናቴያ ዒሎይ፣ ዩሱስ ኪሪሰቶሲ፣ ዳዒስ። 2 ኑ ናጋራይ ኪሪሰቶሳ ባጋራ አቶ ጌቴቴሰ። ኢ ኑ ናጋራ ፆላላስ ጊደናሺን ኦሳ ኡባ ናጋራስ ያርሼቴሰ።

3 ኑኒ ፆሳ ከታ ናጊኮ፣ ሲዴይ ባይናሺን፣ ቱማ ኑ ኢያ ኤሮሰ።
 4 ኦኒካ፣ «ታኒ ኢያ ኤራይሰ» ያጊሼ፣ ኢያ ከታ ናገና ኢዲኮ ሄ ኡራይ ዋርዳንቸ፤ ቱማቴላ ኢያን ባዋ። 5 ሺን ኢያ ቃላሰ ኑ ከቴቴያባ ጊዲኮ ሄ ኡራይ ፆሳ ሲቋያ ሲቆይ ፖሎ ጊዳሰ። ኑኒ ፆሳን ዳዒይሳሰ ሄሲ ባው ቱማ ማርካ። 6 ታኒ፣ «ፆሳን ዳዒይሰ» ጊያ ኦኒካ ኪሪሰቶሲ ዳዒዳይሳዳ ዳናው ቤሴሰ።

ኦራሳ ከታ

7 ታ ሲቆ አሻቶ፣ ታኒ ሂንቲው ኮይሮፔ ዳዒያ ጋልዓ ከታ ፆፋይሲፔ ኦቲን ኦራሳ ከታ ፆፊኬ። ኢካ ሂንቲ ሲዒዳ ሄ ጋልዓ

ከታ። 8 ገዲኮካ፣ ከሪስቶሳኒኔ ሂንቴናን ቱማ ገዲዲ ዳዒያ፣ ኦራላ ከታ ፃፋይሰ። ቋማይ ከቸን፣ ሃዒ ቱማ ፖይይ ፖዔሰ።

9 «ፖፖን ዳዒይሰ» ገሼ ባ አሻ ኢዲያ ኦኒካ፣ ሃዒካ ቋማን ዳዒሰ። 10 ባ አሻ ደሲያ ኦኒካ ፖፖን ዳዒሰ። ሄ ኡራን ሃራ ኦሲ ቋቢያባይ ባዋ። 11 ሺን ባ አሻ ኢዲያ ኦኒካ ቋማን ዳዒሰ፤ ቋማን ሃሙቴሰ። ቋማይ ኢያ ኣይፊያ ቆቂሲዳ ገሾ ኣው ቢያኮ ኤሪና።

12 ታ ናይቶ፣ ከሪስቶሳ ሱንላ ባጋራ ሂንቴ ናጋራይ ኣቶ ጌቴቲዳ ገሾ ታኒ ሂንቴው ፃፋይሰ። 13 ኣዋቶ፣ ኮይሮፔ ዳዒያ፣ ኢያ ሂንቴ ኤሪዳ ገሾ ሂንቴው ፃፋይሰ። ያላጋቶ፣ ፃላሂያ ሂንቴ ያኒዳ ገሾ ሂንቴው ፃፋይሰ። 14 ጉላ ናይቶ፣ ያሳ ሂንቴ ኤሪዳ ገሾ ሂንቴው ፃፋይሰ። ኣዋቶ፣ ኮይሮፔ ዳዒያ ኢያ ሂንቴ ኤሪዳ ገሾ ሂንቴው ፃፋይሰ። ያላጋቶ፣ ሂንቴ ሚኖ ገዲያ ገሾ ያሳ ቃላይ ሂንቴናን ዳዒያ ገሾኔ ፃላሂያ ሂንቴ ያኒዳ ገሾ ሂንቴው ፃፋይሰ።

15 ኣላሚያ ዋይኮ ኣላሚን ዳዒያባ ደሶፒቴ። ኣላሚያ ደሲያ ኦኒካ ያሳ ደሶና። 16 ኣላሚን ዳዒያ ኡባባይ፣ ኣሾ ኣሞቴሉ፣ ኣይፊን ቤዒዲ ኣሞቴያባይኔ ሚሼን ጨቁቴሉ ኣላሚባፔ ኣቲን ያሳፊ ገዴና። 17 ኣላሚይኔ ኣላሚን ኣሲ ኣሞቴያ ኡባይ ኣቆና፣ ሺን ያሳ ሼኒያ ፖሊያ ኦኒካ ማሪናው ዳና።

ከሪስቶሳራ ኤቄቲያ ሞርኪያ

18 ታ ናይቶ፣ ዋዲያ ዉርሴላይ ማታቲሰ። ከሪስቶሳ ሞርኪይ ስንላፊ ያናይሳ ሂንቴ ስዒዳይሳዳ ሃሪ ኣቶሺን፣ ሃዒካ ኢያ ሞርኪቲ ዳሮቲ ዳንዲደሶና። ሄሳ ገሾ፣ ዋዲያ ዉርሴላይ ማታቲዳይሳ ኦኒ ሄሳን ኤሮሰ። 19 ሄ ሞርኪቲ ኦ ባጋ ገደና ገሾ ኦ ገደፊ ከዪደሶና። ኤንቲ ኦ ባጋ ገዲያኮ ኦ ገደን ዳዒና፣ ሺን ኤንታፊ ኦኒካ ኦ ባጋ ገደናይሲ ኤሬታና ማላ ኦ ገደፊ ከዪደሶና።

20 ሺን ከሪስቶሲ ሂንቴ ቦላ ጌሻ ኣያና ጉሲሰ፤ ቃሲ ሂንቴ ኡባይ ቱማ ኤሬታ። 21 ቱማ ሂንቴ ኤሪያ ገሾኔ ቱማን ኣይቢ ዋርደይ ባይናይሳ ሂንቴ ኤሪያ ገሾ ታኒ ሂንቴው ፃፋይሰፔ ኣቲን ቱማ ሂንቴ ኤሮና ገሾ ገዴና።

22 ዬሱሲ፣ ያሳይ ደሪዳይሳ ገዴና ገዲ ካዲያ ኣሳፔ ሃሪ ዋርዳንቸይ ኦኔ? ሄሳ ማላ ኣሲ ከሪስቶሳ ሞርኪ። ኢ ናዓ ካዲኮ ኣዋካ ካዴሰ። 23 ናዓ ካዲያ ኦዴሰካ ኣዋይ ባዋ፤ ቃሲ ናዓሰ ማርካቲያ ኦዴሰካ ኣዋይ ዳዒሰ።

24 ሃሳ ገሾ፣ ኮይር ሂንቴ ሲዲዳ ቃላ ሂንቴ ዋዛናን ማንሏዲ ናገቴ። ኮይር ሲዲዳይሳ ሂንቴ ናገኮ ሂንቴው ናዓራኔ አዋራ ኢሲፊቴሌ ዳና። 25 ናዓይ ኑስ ሜሪና ደዑዋ አማና ገዲ ቃላ ጌሊሰ።

26 ሂንቴና ባሌሌያ አሳ ገሾ ታኒ ሃይሳ ሂንቴው ፃፋሰ። 27 ሺን ከሪሰቶሲ ሂንቴ ቦላ ባ ጌሻ አያና ጉሲሰ። ጌሻ አያናይ ሂንቴናን ደዲያ ገሾ ኦኒካ ሂንቴና ታማርሶ ኮሼና። ኢያ ጌሻ አያናይ ሂንቴና ቱማ ታማርሴሲፔ አቲን ዋርዶ ገዴና። ጌሻ አያናይ ሂንቴና ታማርሴዳይሳዳ ከሪሰቶሳን ደዲቴ።

28 ሂዛ፣ ታ ናይቶ፣ ኢ ቆንጨያ ዋዴ ኑኒ ያሺ ባይናኔ ኢያ ዩሳ ጋላሰ ኢያ ሲንሳን ኑ ዬላን ቆሴቶና ሜላ ኢያን ደዲቴ። 29 ከሪሰቶሲ ዲሎ ገዴይሳ ሂንቴ ኤሪኮ ዲሎ ኦሌያ ኡባይ ያሳ ናዓ ገዴይሳ ኤሪቴ።

3

ያሳ ናይታ

1 ኑኒ ያሳ ናይታ ጌቴቲዲ ዪጌታና ሜላ ያሳይ ኑና አይ ሜላ ደሲዳኮ ቤዒቴ። ኑኒ ቱማካ ያሳ ናይታ። ሃ አላማይ ያሳ ኤርና ገሾ ኑናካ ኤሪና። 2 ታ ሲቆ አሻቶ፣ ሃዒ ኑኒ ያሳ ናይታ፤ ኑኒ አይ ሃናኑኮ ቡር ኤሬቲቤና። ሺን ከሪሰቶሲ ቆንጨያ ዋዴ ኑኒ ኢያ ዳናናይሳ ኤርሰ። ኢ ቱማ ደዲይሳ ኑኒ ቤዓና። 3 ከሪሰቶሳ ቤዓና ገዲ ኡፋይሳን ናገያ ኦኒካ፣ ከሪሰቶሲ ጌሺ ገዲዳይሳዳ ባና ጌሼሰ።

4 ናጋሪ ሂጌ ሜንሶ ገዲያ ገሾ ናጋሪ ኦሌያ ኡባይ ያሳ ሂጌ ማንሏሰ። 5 ከሪሰቶሲ አሳ ናጋሪ ቆይሳናው ቆንጨዳይሳ ሂንቴ ኤሬታ፤ ኢያን ናጋሪ ባዋ። 6 ከሪሰቶሳን ደዲያ ኦኒካ ናጋሪን ደና። ቃሲ ናጋሪን ደዲያ ኦኒካ ኢያ ቤዒቤና ዋይኮ ኤሪቤና።

7 ታ ናይቶ፣ ሂንቴና ኦኒካ ባሌላፎ። ከሪሰቶሲ ዲሎ ገዲዳይሳዳ ዲሎ ኦሌያ ኦኒካ ዲሎ። 8 ፃላሄይ ኮይርፔ ናጋሪ ኦሌዳ ገሾ ናጋሪ ኡባ ዋዴ ኦሌያ ኦኒካ ፃላሄ ዳቦ። ሃሳ ገሾ፣ ያሳ ናዓይ ፃላሄ ኦሶ ቆይሳናው ቆንጨሰ። 9 ያሳ ናዓ ገዲያ ኦኒካ ያሳ አያናይ ኢያን ደዲያ ገሾ ኢ ኡባ ዋዴ ናጋሪን ደና። ያሳይ ኢያ አዋ ገዲያ ገሾ ናጋሪን ደና። 10 ያሳ ናይታ ገዲኒኔ ፃላሄ ናይታ ገዲን ደዲያ ዲማቴሳይ ሃሳን ኤሬቲሰ፤ ዲሎ ኦሶና አሲ ዋይኮ ባ አሻ ዶሶና አሲ ያሳ ናዓ ገዴና።

ኢሶይ ኢሱዋ ደሰቲ

11 ኮይሮፔ ሂንቲ ሲዲዳ ከታይ፡ «ኢሶይ ኢሱዋ ደሳናው ቤሴስ» ያገያ ከታ። 12 ኑ ቃዔላ ማላ ገዳናው ቤሴና። ቃዔላ ፃላሄ ዳቦ ገዲዲ ባ ኢሻ ዋዲስ። ኢ ባ ኢሻ ኣይሰ ዋዲዳ? ኢያ ኦሶይ ኢታ ገዲዳ ገሾኔ ኢያ ኢሻ ኦሶይ ሎዎ ገዲዳ ገሾ ዋዲስ።

13 ታ ኢሻቶ፡ ሃ ኣላሚያ ኣሳይ ሂንቲና ኢዲኮ ማላሌቶፊቴ። 14 ኑ ኑ ኢሻታ ሲቁያ ገሾ ሃይቆፔ ዳዎ ፒኒዳይሳ ኤሮስ። ባ ኢሻ ደሶና ኦኒካ ሃይቆ ኩያን ዳዔስ። 15 ባ ኢሻ ኢዲያ ኦኒካ ሼምፖ ዋዲስ። ቃሲ ሼምፖ ዋዲያ ኦዴስካ ማሪና ዳዎይ ባይናይሳ ሂንቲ ኤሬታ። 16 ኪሪስቶሲ ባ ሼምፑዋ ኑ ገሾ ኣሉ ኢሚዳይሳን ሲቆይ ኣይቤኮ ኑ ኤሪዳ። ኑካ ኑ ኢሻታ ገሾ ኑ ሼምፑዋ ኣሉዲ ኢማናው ቤሴስ። 17 ሺን ዲሬ ገዲዳ ኦኒካ ማቶታንቸዋ ቤዒሼ፡ ኢያው ቃዲቶና ኢዲኮ ባ ዋዛናን ያሳ ሲቆይ ዳዔስ ጋናው ዋኒዲ ዳንዳዒ? 18 ታ ናይቶ፡ ኑ ኦሶኒኔ ቱማቴላን ኑ ሲቁዋ ቆንጨሳናው ቤሴስፔ ኣቲን ጮ ኦዳ ፃላላን ወይኮ ደና ፃላላን ሲቁታናው ቤሴና።

ያሳን ዳዒያ ኣማኔቴላ

19 ኑ ኢሶይ ኢሱዋ ሲቁኮ፡ ኑ ቱማ ባጋ ገዳይሳ ኤሮስ፤ ሄሳስ ያሳ ሲንላን ዬላቶኮ። 20 ኑ ዋዛናይ ኑ ቦላ ፒርዲያባ ገዲኮ፡ ያሳይ ኑ ዋዛናፔ ገታ ገዳይሳ ኤሮስ፤ ኢ ኡባባ ኤሬስ።

21 ታ ሲቆ ኢሻቶ፡ ኑ ዋዛናይ ኑ ቦላ ፒርደናባ ገዲኮ ኑ ያሳ ሲንላን ያዮኮ። 22 ኑ ኢያ ከታ ናገያ ገሾኔ ኢያ ኡፋይሲያባ ኦሉያ ገሾ ዋሲያ ኡባ ኢያፔ ኤኮስ። 23 ኪሪስቶሲ ኑና ከቲዳይሳዳ ያሳ ናዓ ዬሱስ ኪሪስቶሳ ሱንላን ኣማናናዲኔ ኢሶይ ኢሱዋ ሲቃናዳ ያሳይ ኑና ከቲስ። 24 ያሳ ከታ ናገያ ኦኒካ ያሳን ዳዔስ፤ ያሳይካ ኢያን ዳዔስ። ያሳይ ኑስ ኢሚዳ ጌሻ ኣያና ባጋራ ኢ ኑናን ዳዔይሳ ኤሮስ።

4

ኣያናታ ሻኪ ኤሪቴ

1 ታ ሲቆ ኢሻቶ፡ ኣያናታ ኡባ ኣማናፒቴ፡ ሺን ኤንቲ ያሳፊ ዪዳኮ ፓጨ ቤዒቴ። ኣይሰ ገኮ፡ ዳሮ ዋርዶ ናቤቲ ኣላሚን ዳንዲደሶና። 2 ያሳ ኣያና ገዳይሳ ሂንቲ ሃይሳን ኤራና፤ «ዬሱስ

3:11 የሃ 13:34 3:12 ሜዴ 4:8 3:14 የሃ 5:24 3:23 የሃ 13:34፤ 15:12፤ 17

ከሪስቶስ አሴ ገዲዲ ዪዳይሳ ማርካታይስ» ገያ አያና ኡባይ ያሳፌ ዬስ። 3 ከሪስቶስ አሴ ገዲዲ ዪዳይሳ አማናይስ ገና አያና ኡባይ ያሳፌ ገዳና። ሄሲ ከሪስቶሳ ኢዲያ አያና። ሂንቲ ሄ አያናይ ያናይሳ ካሴ ሲዲዳታ፤ ኢ ሃሪ አቶሺን ሃራካ አላሜን ዴዔስ።

4 ታ ናይቶ፣ ሂንቲ ያሳሳ። ሂንቲ ገደን ዴዔያ ጌሻ አያናይ አላሜን ዴዔያ አያናፔ ዳሮ ዋልቃማ ገዲያ ገሾ ዋርዳንቸ ናቤታ ሂንቲ ያይዳታ። 5 ኤንቲ ሃ አላሚያ አሴ ገዲያ ገሾ ሃ አላሚያባ ኦደሶና፤ ሃ አላሚያ አሳይ ኤንታ ኦዳ ሲዎሶና። 6 ኩኒ ያሳፌ ዬሌቲዳ፤ ያሳ ኤሪያ ኦኒካ ኩና ሲዔስ። ያሳ ኤሮና ኦኒካ ኩና ሲዔና። ኩኒ ቱማ አያናኔ ዋርዶ አያና ሄሳን ሻኮስ።

ያሳይ ሲቆ

7 ታ ሲቆ አሻቶ፣ ሲቆይ ያሳፌ ያ ገሾ አኔ ኢሶይ ኢሱዋራ ሲቆቶስ። ሲቆያ ኦኒካ ያሳ ናዓ፤ ኢ ያሳ ኤሬስ። 8 ያሳይ ሲቆ ገዲያ ገሾ ሲቆና ኦኒካ ያሳ ኤሬና። 9 ኩኒ ከሪስቶሳ ባጋራ ዴዐዋ ዴማና ሜላ ያሳይ ባ ኢሲ ናዓ ሃ አላሚያ ከቲስ። ያሳይ ኩና ባ ሲቆዋ ሄሳን ቤሲስ። 10 ቱማ ሲቆ ጉሳይ ሃይሳ፣ ኩኒ ያሳ ሲቆዳ ገሾ ገደናሺን ያሳይ ኩና ሲቆዳ ገሾኔ ኑ ናጋራፔ ኩና ማራናው ባ ናዓ ከቲዳ ገሾሳ።

11 ታ ሲቆ አሻቶ፣ ያሳይ ኩና ሃይሳዳ ሲቆኮ፣ ኩካ ኢሶይ ኢሱዋ ሲቆናው ቤሴስ። 12 ያሳ ቤዒዳይ ኦኒካ ባዋ። ኩኒ ኢሶይ ኢሱዋ ሲቆኮ ያሳይ ኩናን ዴዔስ፤ ኢያ ሲቆይካ ኩናን ፖሎ ገዴስ።

13 ያሳይ ባ ጌሻ አያና ኩስ ኢሚዳ ገሾ ኩኒ ያሳን ዴዔይሳኔ ኢካ ኩናን ዴዔይሳ ኤሮስ። 14 አዋይ ባ ናዓ፣ ሃ አላሚያ አሺይሳ ገደና ሜላ ከቲዳይሳ ኩኒ ቤዒዲ ማርካቶስ። 15 ዬሱሲ ያሳ ናዓ ገዴይሳ ማርካቲያ ኦዴንካ ያሳይ ዴዔስ፤ ኢካ ያሳን ዴዔስ። 16 ያሳይ ኩና ሲቆይሳ ኩኒ ኤሮሴኔ አማናስ።

ያሳይ ሲቆ። ሲቆን ዴዔያ ኦኒካ ያሳን ዴዔስ፤ ያሳይካ ኢያን ዴዔስ። 17 ኑ ዴዎይ ሃ አላሚያን ከሪስቶስ ዴዒዳይሳ ሜላ ገዲያ ገሾ ፐርዳ ጋላስ ያዮና ኢያ ሲንጮ ሺቃናው ኢያ ሲቆይ ኩናን ፖሎ ገዴስ። 18 ሲቆን ያሺ ባዋ፣ ቱማ ሲቆይ ያሺ ኬሲ ሆሌስ። ያሺኔ ፐርዲ ኢሲፌ ቢያ ገሾ ያያ ኡራ ሲቆይ ፖሎ ገዴና።

19 ያሳይ ኮይሮ ኩና ሲቆዳ ገሾ ኩ ሲቆስ። 20 ኦኒካ፣ «ያሳ ሲቆይስ» ገሺ ባ አሻ ኢደኮ፣ ኢ ዋርዳንቸ። አይስ ገኮ፣ ቤዒያ

ባ አሻ ሲቆና ኦኒካ ቤዒቦና ያሳ ሲቃናው ዋኒዲ ዳንዳዒ?
21 ኪሪሰቶሲ ኑስ አሚዳ ኪታይ ሃይሳ፤ «ያሳ ሲቁያ ኦኒካ ባ አሻ ሲቃናው ቤሴስ» ያጌይሳ።

5

አላሚያ ያኖ

1 ዬሱሳ፣ ኢ ኪሪሰቶሳ ያጌዲ፣ አማኒያ ኦኒካ ያሳ ናዓ። አዎ ሲቁያ ኦኒካ ኢያ ናዓካ ሲቁስ። 2 ኦኒ ያሳ ሲቁያ ጊሾኔ ኢያ ኪታ ናጊያ ጊሾ ያሳ ናይታ ሲቁይሳ ኤሮስ። 3 ኦኒ ያሳ ሲቁኮ፣ ኢያ ኪታታ ናጎስ። ኢያ ኪታቲ ዴዎ ጊዶኮና። 4 አይስ ጊኮ፣ ያሳ ናዓ ጊዲያ ኦኒካ ሃ አላሚያ ያናናው ዳንዳዒስ። ኦኒ ሃ አላሚያ ያናናይ ኑ አማኑዋና። 5 አላሚያ ያናናው ዳንዳዒይ ኦኒ? ዬሱሲ ያሳ ናዓ ጊዴይሳ አማኒያ አሳ ፃላሊ ያናና።

ኪሪሰቶሳሳ ማርካቴይሳ

6 ዬሱስ ኪሪሰቶሲ ሃሳ ዲንቃቲያራኔ ባ ሃይቁአዎ ሱላራ ዪስ። ኢ፣ ሃሳራኔ ሱላራ ዪሲፔ አቲን ሃሳ ፃላላራ ዪቤና። ጌሻ አያናይ ቱማ ጊዲያ ጊሾ ሄሲ ቱማ ጊዴይሳ ማርካቴስ። 7 ሄቩ ማርካቴ ዴዎሶና። 8 ሄሳቲ፣ ጌሻ አያና፣ ሃላኔ ሱላ። ሃ ሄቩታ ማርካቴላይ ኢሲኖ። 9 ኑ አሲ ማርካቴይሳ አማኖስ። ሺን ያሳ ማርካቴላይ አሳይሳፊ ዳሮ አዴስ። ያሳይ ባ ናዓስ ማርካቴዳ ማርካቴላይ ሃይሳ። 10 ያሳ ናዓ አማኒያ ኡራ ዋዛናን ሃ ማርካቴላይ ዴዒስ። ያሳ አማኖና ኦኒካ ያሳይ ባ ናዓስ ማርካቴዳ ማርካቴላ አማኒቦና ጊሾ ያሳ ዋርዳንቸ ኦሌስ።

11 ሂዛ፣ ማርካቴላይ ሃይሳ፤ ያሳይ ኑስ ሜሪና ዴዎ አሚስ፤ ሄ ዴዎይካ ኢያ ናዓን ዴዒስ ያጌይሳ። 12 ያሳ ናዓይ ዴዒያ ኦዴስካ ዴዎይ ዴዒስ። ያሳ ናዓይ ባይና ኦዴስካ ዴዎይ ባዋ።

ሜሪና ዴዎ

13 ያሳ ናዓን አማኒያ ሂንቱው ሜሪና ዴዎይ ዴዒይሳ ሂንቱ ኡራና ሜላ ሃይሳ ሂንቱው ፃፋስ። 14 ያሳ ሼኒያዳ አይቢባካ ኢያ ዋሲኮ፣ ኢ ሲዔይሳ ኦኒ ኤሪያ ጊሾ ኢያን አማኔቶስ። 15 ኦኒ ዋሲያ ኡባ ኢ ሲዔይሳ ኤሪኮ፣ ኦኒ ዋሲያባ ኢ አማናይሳ ኤሮስ።

16 ኦኒካ ባ አሻይ ሃይቆ ቤሶና ናጋራ ኦሊሺን ቤዒኮ፣ ያሳ ኢያው ዋሳናው ቤሴስ። ሃይቆ ቤሶና ናጋራ ኦሊዳይሳታስ ያሳይ ዴዎ አማና። ሃይቆ ቤሲያ ናጋሪ ዴዒስ። ታኒ ሂንቱና ሄሳስ ያሳ

ዎሲቴ ጊኬ። 17 ኢታ ኦሶ ኡባይ ናጋራ፣ ሺን ሃይቆ ቤሶና ናጋሪ ዴዔሰ።

18 ያሳ ናዓይ ኢያ ናጊያ ጊሾ ያሳ ናዓ ጊዲዳ ኦኒካ ናጋራን ኡባ ዎዴ ዴያናይሳ ኦኒ ኤርሰ። ያላሄይ ኢያ ቆሃናው ዳንዳዔና። 19 ኦኒ ያሳሳ ጊዴይሳኔ ሃ ኩሜላ አላሜይ ያላሄን ሃሬቴይሳ ኤርሰ።

20 ኦኒ ቱማ ያሳ ኤራናዳ ያሳ ናዓይ ዩዳይሳኔ ኦሰ አኩካ ኢሚዳይሳ ኤርሰ። ኦኒ ኢያ ናዓ፣ ዩሱሰ ኪሪሰቶሳ ባጋራ ቱማ ያሳን ዴዎሰ። ዩሱሲ ቱማ ያሳኔ ሜሪና ዴዐዎ።

21 ታ ናይቶ፣ ኤቃታፔ ሂንቴ ሃኪቴ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source
files dated 29 Jan 2022
c35d6c73-3843-5482-b53e-7559d35deee5